

YANGI O‘ZBEKISTON

Ijtimoiy-siyosiy gazeta

№ 242 (1031), 2023-yil 21-noyabr, seshanba

BANK TIZIMIDAGI
TRANSFORMATSIYA
JARAYONLARI KO‘RIB
CHIQUILDI

Prezident Shavkat Mirziyoyev 20-noyabr kuni bank tizimida transformatsiya va xususiyalashtirish jarayonlari muhokamasi bo‘yicha yig‘ilish o‘tkazdi.

Bu sohani isloh qilish bo‘yicha amalga oshirilgan ishlar natijasida so‘nggi uch yilda banklar kapitali 1,8 baravarga, yillik kredit ajratish hajmi 2 baravarga ko‘paydi. 4 ta bank ilk bor yevrobond chiqarib, xalqaro kapital bozorlaridan 1 milliard dollar resurs olib keldi. "Ipoteka-bank"ka strategik xorijiy investor jalb qilindi. 13 ta yangi xususiy bank tashkil etildi, Vengriya, Qozog‘iston va Gruziyaning nufuzli banklari yurtimizda faoliyat boshladi. Onlayn bank xizmatlari hajmi 2,7 baravarga oshdi.

Shu bilan birga, bank sektorida raqobat kuchaymoqda, bank xizmatlariga aholi va tadbirkorlar tomonidan talab oshmoqda. Bu sohada transformatsiya jarayonlarini jadallashtirish, kelgusi yillar uchun ustuvor vazifalarni belgilab olishni taqozo etayotir.

Xususan, davlat ulushiga ega banklarni xususiyalashtirishga tayyorlash, ularning qimmatli qog‘ozlarini IPOga chiqarish, sohaga tajribali xorijiy mutaxassislarni jalb qilish bo‘yicha takliflar bildirildi.

Xalqaro reyting kompaniyalari bilan hamkorlikni kuchaytirib, banklarning reytingini oshirish bo‘yicha o‘rta muddatli chora-tadbirlar ishlab chiqish vazifasi qo‘yildi. Shuningdek, sohada kadrlar tayyorlash tizimini zamon talablariga moslashtirish kerakligi ko‘rsatib o‘tiladi.

Yig‘ilishda bank rahbarlari transformatsiya va xususiyalashtirishga tayyorgarlik ko‘rish, xodimlarni o‘qitish, sohada ilg‘or IT yutuqlarni joriy qilish bo‘yicha rejalarni aytildi.

Har bir bank o‘zi sarmoya kiritgan loyihalarni chuqur tahlil qilib, ishga tushirishni kuzatib borishi, hududlar va sohalar samaradorligi yuqori bo‘lgan loyihalarni amalga oshirishi zarurligi ta’kidlandi.

O‘ZA

XALQARO MOLIVA INSTITUTLARI
ISHTIROKIDAGI LOYIHALAR
TAHLIL QILINDI

20-noyabr kuni Prezident Shavkat Mirziyoyev huzurida ichimlik suvi, qishloq xo‘jaligi va sog‘liqni saqlash sohalarida xalqaro moliya institutlari ishtirokida amalga oshirilayotgan loyihalar ijrosi ko‘rib chiqildi.

So‘nggi yillarda xalqaro moliya institutlari ko‘magida amalga oshirilayotgan loyihalarning soni ham, ko‘lami ham kengayib bormoqda. Xususan, oxirgi yetti yilda shunday institutlar mablag‘lari hisobidan 16 milliard dollar o‘zlashtirildi. 103 ta loyiha ishga tushirildi.

Bularning natijasida 5 millonga yaqin aholining kundalik hayoti yaxshilanishiga ta’sir qilgan 9 mingta ijtimoiy hamda infratuzilma inshootlari qurildi va ta’minlandi. 38 ta yangi yirik sanoat quvvati ishga tushirilib, 6,5 mingta yuqori daromadli ish o‘rni yaratildi.

Shu bilan birga, xorijiy investitsiyalar hisobiga, zamonaviy yondashuvlar ham kirib kelyapti.

Lekin hamma tarmoqda ham natijadorlik birdek emas. Masalan, Qishloq xo‘jaligi vazirligi tizimida joriy yilda 238 million dollar xalqaro moliya institutlari mablag‘lari o‘zlashtirilishi kutilmoqda. Bu mo‘ljaldan ancha kam.

Umuman, so‘nggi yillarda sohaga 2,4 milliard dollar jalb qilinib, shundan 1,3 milliard dollari o‘zlashtirilgan. Lekin kechikkan loyihalar ham bor. Misol uchun, Andijon, Samarqand va Tosh-

kent viloyatlarida agrologistika markazlari tashkil etish kechikmoqda.

Sog‘liqni saqlash vazirligida 877 million dollarlik 11 ta loyiha mavjud. Ularning aksariyati amalga oshirilmog‘da. Lekin nefrologiya va urologiya muassasalarini jihozlash, poytaxtimizning Yashnobod tumanida kattalar uchun ko‘p tarmoqli tibbiyot markazi qurish, milliy referens laboratoriyasi tashkil qilish loyihalari bo‘yicha investitsiya o‘zlashtirish boshlanmagan.

"O‘zsvuta‘minot" tarmog‘ida qiymati 2,1 milliard dollarlik 22 ta loyiha amalga oshirilmog‘da. Shundan 8 ta loyiha o‘z vaqtida ishga tushmasligi ehtimoli bor.

Bu ko‘p hollarda loyiha guruhlari faoliyati bilan bog‘liq ekani ko‘rsatib o‘tiladi.

Davlatimiz rahbari loyihalar bajarilishida vazirlarning mas’uliyatini oshirish, har birini xalqaro ekspertlar ishtirokida muhokama qilib borish hamda mablag‘larni samarali ishlatish bo‘yicha ko‘rsatmalar berdi.

Mutasaddilar yil yakunigacha va 2024-yilda ishlarni jadallashtirib, kechikishlarni bartaraf etish, loyihalarni sifatli bajarib, natijasini ta’minlash bo‘yicha axborot berdi.

O‘ZA

PREZIDENT QARORLARI — HAYOTDA VA NAZORATDA

SUV XO‘JALIGIDA
IJRO INTIZOMI**sohani jadal rivojlantirish kafolati**

Mamlakatimizda inson qadrini ulug‘lash, har bir sohada yuksak samaradorlikka erishish borasida yuritilayotgan davlat siyosatining talabi shuki, har bir rahbar qog‘oz bilan emas, aksincha, muammo bilan bevosita, yuzma-yuz ishlashi lozim. Har bir hujjatni tayyorlashda joyiga chiqqan holda o‘rganishi, aholi va iste‘molchilarning fikrlarini tinglashi, murojaatlarni e‘tiborsiz qoldirmasligi hamda mavjud resurslarni tahlil qilishi zarur va shart.



Ayniqsa, ijro intizomini mustahkamlashda tizimdagi har bir xodimning mas‘uliyatini oshirish, qat‘iy intizom o‘rnatish, ularni kasbiy g‘urur, mehnatsevarlik, tashabbuskorlik va halollik hissinu uyg‘otish nihoyatda muhim.

Yangi O‘zbekistonning qisqa davrda bosib o‘tgan yo‘lida "Xalq davlat idoralari emas, davlat idoralari xalqqa xizmat qilishi kerak" tamoyil hayotiy tasdig‘ini topib, amaliy natijalar bera boshladi. Xalq bilan

ochiq muloqot, fuqarolarning murojaatlari bilan ishlashning mutlaqo yangi, kuchli ijtimoiy himoya va milliy qadriyatlariga yo‘g‘rilgan instituti qaror topdi.

Albatta, xalqimiz farovonligi yo‘lida xizmat qilishni o‘zining euzu amali va kasbiy burchi deb bilgan suv xo‘jaligi xodimlari uchun ham ijro intizomi ish samaradorligini ta’minlovchi eng muhim hamda asosiy faoliyat mezonlaridan biridir.

Davomi 2-betda

TASHRIFDAN TASHRIFGACHA

ERISHILAYOTGAN YUTUQLAR
YANGI DOVONLARGA YO‘L OCHMOQDA

Davlatimiz rahbarining 16-17-noyabr kunlari Surxondaryo viloyatiga tashrifi samarali va amaliy voqeelikka boy bo‘ldi. Xususan, "To‘palang" suv manbaidan ekologik toza ichimlik suvi bilan ta’minlash loyihasining birinchi bosqichi ishga tushirilishi janubiy voha ahlining yana bir asriy orzusini ro‘yobga chiqardi. Ushbu bosqichda Sariosiyo, Denov, Sho‘rchi va Qumqo‘rg‘on tumanlariga obihayot kirib borgan bo‘lsa, kelgusi yil oxiriga qadar loyiha to‘liq amalga oshirilishi natijasida yana 7 tuman va Termiz shahrida yashovchi qariyb ikki million aholi ushbu markazlashgan ichimlik suvdan bahramand bo‘ladi.

Tashrif davomida Prezident Boysundagi "Mustaqillikning 25 yilligi" gaz-kimyo majmuasi qurilishi, "To‘palang" GESida olib borilayotgan modernizatsiya ishlarini ko‘zdan kechirdi. "Zarchoy-3" GES qurilishiga start berildi. Shuningdek, viloyatdagi bir necha ishlab chiqarish loyihalari bilan yaqindan tanishgan davlatimiz rahbari tashrif yakunida viloyat faollari ishtirokida o‘tkazilgan yig‘ilishda hududni ijtimoiy-iqtisodiy rivojlantirishga doir ustuvor vazifalarni belgilab berdi.

Unda qayd etilganidek, kelgusi yili viloyatga 1,5 milliard dollarlik investitsiya kiritiladi. Pirovardida, sanoatda 12 trillion so‘mlik mahsulot ishlab



chiqarishga erishiladi. Shuningdek, eksport ko‘rsatkichi 500 million dollarga yetkaziladi. Import esa 100 million dollarga qisqaradi. Bundan tashqari, 500 ming xorijiy sayyohga xizmat ko‘rsatish uchun sharoit yaratiladi hamda 400 ming aholi bandligini ta’minlashga qaratilgan dasturiy vazifalar

ro‘yobga chiqariladi. Bu kabi keng ko‘lamli sa‘harakatlar esa Surxon ahlini yanada hamjihatlikda mehnat qilib, yangi-yangi marralarni zabt etishga undamoqda. Turli soha vakillarining bu boradagi fikr-mulohazalarida ham bu jihatlar o‘z ifodasini topmoqda.

Davomi 3-betda

BUGUNING GAPI

ISHONCH, RAG‘BAT VA TENGLIK
ishbilarmon ayollar safini kengaytiradi

Tadbirkorlik qoniga singgan xalqimiz, har holda ota-bobolarimiz orasida savdogarlar ko‘p bo‘lganini eshitganmiz. Hozir esa tadbirkorlik nihoyatda katta yo‘nalishga aylanib, barcha sohalarga kirib bordi. Endi qurilishdan tortib, agrar sohada ish yuritayotganlarga tadbirkorlarga aylanmoqda.

Yurtimizda oxirgi yillarda haqiqiy tadbirkorlik muhiti shakllanib, kichik va o‘rta biznes hatto qo‘shimcha daromad manbaiga aylanganiga guvoh bo‘lyapmiz. Hozir istalgan kasb egasi mavjud imkoniyatlardan foydalanib, qo‘shimcha ravishda ishbilmonlikka ham qo‘l urishi odatiy hol. Bu esa hududlarda aholi bandligini ta’minlash, oilalarni kambag‘allikdan chiqarishda asosiy vositalardan biri bo‘lib xizmat qilmoqda.

Ya’ni bitta kichik yoki o‘rta biznes vakili paydo bo‘lishi hisobiga bir necha o‘nlab kishi ishli bo‘lyapti. Shu bois, yurtimizda soha vakillarini doimiy qo‘llab-quvvatlashning aniq va samarali mexanizmi yaratildi. Bu tadbirkorlikka bepul o‘qitishdan tortib, ishni boshlash, kredit olish, imtiyozlar berish va ko‘plab yordamlarni o‘z ichiga oladi. Prezidentimizning joriy yil 15-noyabrda

Davomi 4-betda

YASHIL MAKON

O‘N YIL NARINI O‘YLANG...

Ko‘chat ekib, bog‘ yaratish xalqimizga xos milliy qadriyatlardan. Bugun esa bu an‘ana milliy harakatga aylandi va ekologik barqarorlikni ta’minlashga xizmat qilmoqda. Prezidentimiz tashabbusi bilan boshlangan "Yashil makon" umummilliy loyihasi asosida hududlarni obod etish, bo‘sh maydonlar, ko‘cha va xiyobonlarga mevali va manzarali ko‘chat o‘tqazishga alohida e‘tibor qaratilmoqda. Mazkur loyiha doirasida O‘zbekiston bo‘ylab yiliga kamida 200 million tup daraxt va buta ko‘chatlarini ekish ko‘zda tutilgan.

Ushbu loyiha bir yillik tadbir emas, balki har yili davom etadigan xayriy jarayon. Navoiy viloyatida ham 2022-yil davomida 50 ming gektardan ortiq yerda yashil maydon

tashkil etilib, mevali va manzarali nihollar ekildi. Aholi yashash manzillari, korxonalar va tashkilotlar atrofi, shuningdek, qarovsiz maydonlar yashil hududlarga aylantirildi.

Joriy yil bahar mavsumida viloyatda 8 million 924 ming tup mevali va manzarali ko‘chat o‘tqazildi.

Davomi 2-betda

TARAQQIYOT YO‘LI

**INSON KAPITALINI
RIVOJLANTIRISH**
ta’lim tizimini isloh qilishdan
boshlanadi

Texnologiya, demografiya, beqarorlik va global iqlim o‘zgarishlari sharoitida inson kapitali taqchilligi xavfli darajada oshib bormoqda. Mojaro va pandemiyalar inson kapitaliga halokatli ta’sir ko‘rsatishi, odamlarning hayotiga zomin bo‘lishi, tirikchilik vositalarini yo‘q qilishi, ovqatlanishning yomonlashishi, sog‘liqni saqlash va ta’lim xizmatlaridagi beqarorlikka sabab bo‘lishi mumkin. Hozirgi vaqtda inson kapitali jamiyatning eng qimmatli resursi bo‘lib, tabiiy salohiyat yoki to‘plangan boylikdan ko‘ra, muhimroq ahamiyat kasb etmoqda.

Inson kapitali, fan, ta’lim va biznesning o‘zaro ta’siri, bu ta’sirning iqtisodiyot va jamiyat rivojiga samarasi bilan bog‘liq masalalar keyingi yillarda jahon va milliy hamjamiyat siyosiy kun tartibida ustuvor ahamiyatga ega bo‘lib turibdi. Bu jarayon bevosita ta’lim tizimi orqali ta’minlanadi.

Shu bois, jahon amaliyotida o‘zini oqlagan, samarali natijani bergan va berib kelayotgan tajribadan unumli foydalangan holda, O‘zbekistonda ushbu tizimni isloh qilishning zamonaviy tendensiyalarini ishlab chiqish muhim.

Davomi 5-betda

